

摘藻堂四庫全書薈要

史部

欽定四庫全書薈要

史部

御批歷代通鑑輯覽卷七十



欽定四庫全書薈要卷七千五百二十三

御批歷代通鑑輯覽卷七十

五季



已漢乾祐二年是  
凡四國三鎮  
米  
隸定難軍

春二月漢以靜州

本靖邊軍五代時改置故城在今綏

漢詔以靜州隸定難軍李彝殷上表謝彝殷以中原

多故有輕傲之志漢人故以恩澤羈縻之

李氏世據銀夏漸以

驚桀遂成宋時繼遷之叛

遼遷故晉主重貴于建州

本唐昌黎縣遼置州後遷治永霸縣故城在今錦州府錦

縣晉李太后詣遼主請依漢人城寨之側給田耕桑

以自贍遼主許之并晉主遷于建州未至安太妃卒于路遺令焚骨南向颺之既至建州得田五十餘頃令從者耕以給食頃之遼主德光之子舒嚕遣騎取晉主寵姬趙氏聶氏而去

夏四月太白晝見

民有仰視之者為邏卒所獲史弘肇腰斬之

五月趙思綰遣使請降于漢漢郭從義尋誘殺之

初思綰少時求為左驍衛上將軍李肅

肅建人前為晉昌節度副使

僕肅不納曰是人目亂而語誕他日必為叛臣肅妻

張氏

全義之女

曰君今拒之後且為患乃以金帛遺之及

思綰據長安肅居城中思綰數就見之拜伏如故禮

肅曰是子亟來且污我欲自殺張氏曰曷若勸之歸

國會長安城中食盡

思綰好食人肝又好以酒吞人膽及城中食盡取婦女幼稚為

軍糧每犒軍輒屠數百人計窮不知所出

思綰向肅問自全之策肅乃與

判官程讓能說思綰曰公本與國家無嫌但懼罪耳  
今若翻然改圖自可不失富貴思綰從之遣使請降  
于漢漢以為華州留後已而思綰遷延收斂財賄三  
改行期郭從義疑之密白郭威召思綰酌別因執之  
及其部曲三百人皆斬于市

六月癸酉朔日食

秋七月漢郭威克河中李守貞自殺

先是守貞出兵攻長圍郭威擊敗之擒其將魏延朗

漢時以燒梁人  
詞為善處家法  
骨內曰而執之  
底人者執引之  
為口實兩時朝  
臣交連密屬因  
屬尋常使爪至  
詞意已悉慘逆  
而竟甘心寬之  
不問以爲一切  
保全奸回之徒  
誰復知所懲創  
者此非嚴肅自  
消乃日中見斗  
月然使時事益  
亦然足資備矣

王繼勳以衆降威乘其離散督諸軍百道攻之及是

克其外郭守貞與妻子自焚威入城獲其子崇王及

所署將相國師總倫等送大梁磔于市

威閑守貞大書得朝臣藩

鎮交通書詞意悖逆欲奏之秘書郎王溥諫曰魑魅  
乘夜爭出見日自消願一切焚之以安反仄威從之

王溥字齊  
物并州祁人

八月漢郭威以白文珂為西京留守

西京留守王守恩性貪鄙專事聚斂

表車非輸錢不  
得出城下至行

厠行乞之人不免課率或縱麾下令盜人財有富室  
娶歸守恩與俳優數人往為賀客得銀數錠而返

將廁掃除  
廁之賤人

郭威自河中還過洛守恩肩輿出迎威

怒以為慢已不見即以頭子

即堂帖

命白文珂代守恩

朝廷不之問

守恩歸至大梁廣為貢獻厚賂權貴亦竟不獲罪

楚馬希萼攻潭州不克

希萼調丁壯作戰艦將攻潭州馬希廣聞之曰朗州  
吾兄也不可與爭當以國讓之而已劉彥瑫固爭以  
為不可乃以王贊部署戰棹大破其兵追希萼將及  
之希廣遣使召之曰勿傷吾兄贊引兵還希萼遁去



希等之制兵也其妻范氏諫曰兄弟相攻勝負皆為人笑不聽及敗范氏泣曰禍將至矣余不忍見也赴井而死希等弟希瞻為靜江節度使以希等希廣交戰屢遣使諫止不從知終覆族疽發背死

九月漢加郭威侍中威請加恩將相藩鎮從之

威至大梁入見勞賜甚厚辭曰臣將兵在外凡鎮安

京師供億兵食皆諸大臣居中者之力也臣安敢獨

膺此賜請徧賞之乃徧賜宰相

賈貞固蘇逢吉蘇禹珪

樞密

楊邨

宣徽

王峻吳皮裕

三司

王章

侍衛

史弘肇

九人

與爪

如一加

威兼侍中史弘肇中書令賈貞固司徒蘇逢吉司空

蘇禹珪楊邠僕射諸大臣議以執政既溥加恩恐落

鎮缺望亦徧加恩有差

議者以郭威不專有其功推以分人信為美矣而國家為

位以一人而羣反

天下不亦濫乎

冬十月吳越募民墾田

吳越王俶募民能墾荒田者勿收其稅由是境內無

棄田或請糾民遺丁以增賦俶杖之國門國人皆悅

十二月漢趙暉攻鳳翔王景崇自殺

趙暉急攻鳳翔周璪謂王景崇曰蒲雍已平蜀兒不

吳越當五季時  
安有閒田第以  
日辱兵草所在  
多草宅行來耳  
務廣田丁不增  
賦役雖佳倘隔  
休息之計然我  
氏在十國中於  
為可觀如我尤  
足與人急而不  
得之矣  
以連類而並

足恃不如降也景崇曰善吾更思之後數日外攻轉

急景崇自焚死諸將乃降

三叛既平漢主浸驕縱時與飛龍使後匡贊茶酒使

郭允明狎暹為度詞醜語太后屢戒之太常卿張昭上言宜親近儒臣講習經訓皆不聽後姓匡贊玃

印人郭允明太原人度解隱語也張昭即昭遠避漢祖諱改焉

唐漢乾祐三年是歲春正月漢遣使收瘞河中鳳翔遺

戍四國三鎮漢亡

骸時有僧已聚二十萬矣

漢汝州防禦使劉審交卒

汝州吏民詣闕上書以審交有仁政乞留葬汝州得

長民者果能  
原不在此  
日歲除怪說

始稱仁此乃禹  
道無私此乃  
人之政然以  
為而對君獨  
不其言正恐  
宜拘名者不  
快之以實政  
乞臺立祠使  
後世係留去  
之昇祔耳思

奉事其邱壑許之州人為立祠歲時享之

馮道曰吾嘗為劉君

僚佐觀其為政無以踰人非能減其租賦除其徭役也但推公廉慈愛之心以行之耳此亦衆人所能為但衆人不為而劉君獨為之故汝人愛之如此使天下二十石皆效其所為何患得民不如劉君哉

夏四月漢以郭威為鄴都留守樞密使如故

漢人以遷將南侵議以郭威鎮鄴都使督諸將備之史弘肇欲威仍領樞密使蘇逢吉以為故事無之弘肇曰領樞密使則可以便宜從事諸軍畏服號令行矣漢主從之仍詔河北甲兵錢糧但見郭威文書立

宰相令僕會飲  
沈酒已年武  
而使氣謙地  
臣於餘創微  
文士胡毛錄  
技甚至配話  
譽錄刀裁加  
檢蕩然矣隱  
不能詰治預  
輝和於杯酒  
此安得不得  
若

皆稟應弘肇怨逢吉異議逢吉日以內制外順也今

反以外制內其可乎自是將相始有隙既而朝貴會

觴屬咸屬聲曰昨日廷義一何異同今日為弟飲之  
逢吉與楊邠亦舉觴曰是國家之事何足介意弘肇

又厲聲曰安定國家在長創大創安用毛錐王章曰  
無毛錐財賦何從可出毛錐蓋言筆也他日王章復

置酒酒酣為手勢今弘肇不能為客省使閭晉卿在  
生次屢教之逢吉戲曰生有姓閭人何憂蜀爵弘肇

妻閭氏故酒家侶也意降吉譏已大怒以醜語詬逢  
吉欲歐之逢吉起去弘肇索劍欲追之楊邠哭止之

日蘇公宰相若殺之置天子何地願熟思之于是將  
相如水火漢主使宣徽使王峻置酒和解之不能得

漢以郭榮為貴州刺史

貴州隋置今廣西潯州府貴縣  
是五代時地屬南漢郭榮以天

雄牙將遙  
領刺史

榮本姓柴父守禮

邢州龍岡人

郭威之妻兄也威未有子

時養以為子

榮即周世宗始見此

五月漢以折德扆

從阮之子

為府州團練使

時從阮舉族入朝故有是命

郭威赴鄴

威辭行言于漢主曰太后從先帝久多歷天下事陛下富于春秋有事宜稟其教而行之親近忠直放遠

兔邪善惡之間所宜明審蘇逢吉楊邠史弘肇皆先  
帝舊臣願陛下推心任之至于疆場之事臣願竭愚  
漢主斂容謝之威至鄴都以河北困契成邊層謹守  
疆場嚴飭守備如遼人侵掠則堅壁  
清野以待以

### 閏月漢大風

漢宮中數有怪大風發屋拔木吹鄭門

大梁城西面  
南來第一門

也

扉起十餘步而落漢主召司天監趙延入問以禳

祈之術對曰臣之職在天文時日禳祈非所習也然

王者欲弭災異莫如修德漢主曰何謂修德對曰請  
讀貞觀政要而法之

六月河決鄭州

秋八月故晉太后李氏卒于遼

后病無醫藥惟于晉主仰天號泣戟手罵杜重威李

守貞曰吾死不置汝遂卒

後周憲德中有自遼來者云晉主及馮后尚無恙其

從者亡歸及物故則過半矣

九月馬希萼遣使乞師于唐唐遣兵助之



希萼先奉表于漢請別置進奏務于京師漢主不許

亦賜楚王希廣詔勸以敬睦希萼以漢廷意佑希廣

怒遣使稱藩于唐乞師攻楚唐命楚州刺史何徽洙

將兵往助希萼

先是希萼誘溪洞諸蠻兵攻益陽楚將陳璠等敗死潭人震恐既而劉彥

瑫言于希廣以兵萬人入朗州境父老爭以牛酒犒軍艦過則運竹木以斷其後希萼遣兵送戰彥瑫乘

風縱火以焚其艦頃之風向自焚還走則江路已斷戰溺死者數千人希廣聞之涕泣不知所為遣其屬

孟駢說希萼曰公忘父兄之誓北面事唐何異袁譚求救于曹公邪希萼將斬之駢曰駢若愛死安肯此

來駢之言非私于潭人實為公謀也乃釋之使還報曰大義絕矣非地下下相見也悉發境內之兵趣長

沙

冬十一月甲子朔日食

漢主承祐殺其樞密使楊邠侍衛指揮使史弘肇三司使王章遣使殺郭威不克威舉兵反遂弑其主承祐

漢主自即位以來楊邠總機政郭威主征伐史弘肇典宿衛王章掌財賦邠頗公忠門無私謁雖不卻四方饋遺然有餘輒獻之弘肇督察京城道不拾遺章据據遺利供饋不乏國家粗安然章吝于出納聚斂

向之於毛者  
非王章乎此  
謂之不喜文  
甚矣記載家  
鮮實也

刻急

舊制田稅每斛更輸二升謂之雀鼠耗章始令更輸二斗謂之雀耗舊錢出入皆以八十為陌

章始令入者八十出者七十七謂之省

由是百姓愁

陌犯鹽礬酒麴之禁者錮錐溺滴皆死

怨章尤不喜文臣嘗曰此輩授之握算不知縱橫何

益于用俸祿皆以不堪資軍者高其估而給之漢主

左右嬖倖浸用事太后親戚亦干朝政邠等屢裁抑

之太后弟武德使李紫求宣徽使不得內客省使閤

晉卿次當為宣徽使亦久不補聶文進

并州人

後匡贊

郭允明皆有寵而久不遷官劉銖

陝州人

罷歸

銖前為平盧節

度使以貪  
久未除官共怨執政漢主除喪聽樂賜伶  
度徵還

人錦袍玉帶弘肇怒曰士卒守邊苦戰猶未有以賜  
之汝曹何功而得此皆奪之漢主年益壯厭為大臣  
所制卻弘肇嘗議事于前曰陛下但禁聲有臣等在  
漢主積不能平左右因諧之曰卻等專恣終當為亂  
蘇廷吉與弘肇有隙屢以言激業等漢主遂與業文  
進匡贊允明謀誅卻等入白太后太后曰茲事何可  
輕發更宜與宰相議之業曰先帝嘗言朝廷大事不

隱帝信左右  
諧一日而謀  
大臣遂成趙  
之禍其失固  
待言然楊邵  
弘肇專恣自  
志

曰無君上正章  
聚斂刻急民然  
日滋各有取禍  
之道乃尹起莘  
輩泥于綱目書  
法專歸過于隱  
帝并郭威之獄  
逆亦折衷而曲  
實之真味於大  
義矣

可謀及書生懦怯誤人太后不可漢主愆曰國家之

事非閨門所知拂衣而去業等以告閭閻晉卿晉卿恐

事不成詣弘肇第欲告之弘肇辭不見與邠章入朝

殿中甲士出而殺之文進亟召宰相朝臣諸軍將校

漢主親諭之分遣使收捕邠等親黨僕從盡殺之遣

供奉官孟業齎密詔令鎮寧李洪義李太后弟殺弘肇黨

步軍指揮使王殷大名入時將兵屯澶州又令行營指揮使郭

崇威曹威真人殺郭威及監軍王峻又急詔徵高行

周符彥卿郭從義慕容彥超李穀入朝以蘇逢吉權

知樞密院事劉銖權知開封府李洪建

洪義兄

權判侍

衛司事

逢吉雖惡弘肇而不預李業等謀聞變驚愕私謂人曰事太息息主上儻以一言見問不

至于此業等命劉銖誅郭威王峻之家銖極其慘毒嬰孺無免者命李洪建誅王設之家洪建但使人看視仍飲食之孟業至澶州洪義不敢發殷囚業以詔示郭

威威召郭崇威曹威及諸將告以邵等冤死及有密詔之狀且曰吾與諸公披荆棘從先帝取天下受託孤之任竭力以衛國家今諸公已死吾何心獨生君

輩當奉行詔書取吾首以報天子庶不相累崇威等

皆泣曰天子幼冲此必左右羣小所為若使此輩得

志國家其得安乎願從公入朝自訴蕩滌衆輩以清

朝廷翰林天文趙修己

後儀人善術數初為李守貞客守貞欲反修己為言時令

不可勿妄動不跪及守貞敗

徵曰公徒死何益不若

為翰林天文時從郭威在鄴

順衆心擁兵而南此天啟也威乃留其養子榮鎮鄴

都命崇威前驅自將大軍繼之慕容彥超方食得詔

舍七筋入朝漢主恚以軍事委之郭威至澶州李洪

義懼之王殷亦以兵從遂趣滑州漢主聞郭威至河  
上悔懼私謂實貞固曰屬者亦太草草李業等請領  
府庫以賜諸軍乃賜禁軍人二十緡下軍半之將士  
在北者給其家仍使通家信以誘之威至封邱人情  
恟懼太后泣曰不用李濤言宜其亡也漢主欲自出  
勞軍太后止之不從時扈從軍甚盛至暮不戰而還  
來日欲再出太后又止之不可既陳慕容彥超引輕  
騎直前奮擊馬倒引兵退麾下死者百餘人于是諸



軍奪氣稍稍降于北軍彥超遂與十餘騎奔還兗州

漢主獨與三相及從官數十人宿于七里寨

在開封府城北

餘皆逃潰旦日將還宮至元化門劉銖在門上射漢

主左右漢主回轡西北至趙村追兵已至漢主下馬

入民家為亂兵所弑蘇逢吉閭晉卿郭允明皆自殺

威至劉銖射之威自迎春門入歸私第諸軍大掠通

夕獲劉銖李洪建囚之令諸將分部禁止掠者至晡

乃定遷隱帝梓宮于西北或請如魏高貴卿公故事

莽以公禮威不許曰倉猝之際吾不能保衛乘輿罪已大矣況敢貶君乎馮道帥百官謁見郭威威猶拜之道受拜如平時徐曰侍中此行不易

漢迎武寧節度使劉贊于徐州

郭威帥百官起居太后奏請早立嗣君太后誥曰河東節度使崇忠武節度使信皆高祖之弟武寧節度使贊開封尹承勲高祖之子其令百官議擇所宜贊崇之子也高祖愛之養視如子郭威王峻入見太后

請以承勲為嗣太后曰承勲久羸疾不能起令左右  
以臥榻舉之示諸將乃信之于是郭威與峻議  
立贊帥百官表請太后誥遣太師馮道及樞密直學  
士王度秘書監趙上交詣徐州奉迎威之討三叛也  
見詔書處分軍  
事皆合機宜問誰為之使者以范質對威曰宰相器  
也至是令革誥令具儀注荅黃之中討論撰定皆得  
其宜尋以為  
樞密副使

### 漢太后臨朝

郭威帥羣臣請之也

威殺劉銖李洪建及其黨皆衆  
首于市而赦其家威謂公卿曰

劉銖屠吾家吾復屠其家怨讎反復庸有極乎由是數家獲免王殷屢為洪建請威不許

遼人破內邱

本漢中邱隋改名今縣屬順德府

克饒陽漢遣郭威將兵

擊之

馬希萼臨潭州殺楚王希廣而自立

布廣繼馬氏之名業則為楚君分已足而希萼叛之非惟傷同氣之憤并忘君臣之誼矣例可以大義滅親無可寬之如則我勿將之兄及其將傷其兄及將敗惟信與欲信東手待斃而不恥悔信乎其為

先是希萼攻岳州刺史王贊堅守不下希萼呼贊曰吾昔約君同行今何異心乎贊曰君王兄弟不相容而責將吏異心乎願君王入長沙不傷同氣臣其敢不盡節希萼慚引去遂下湘鄉

後漢縣今屬長沙府

至長沙屯

水西楚將劉彥瑫許可瓊屯水東指揮使彭師高

士愁

之登城望之言于希廣曰朗人驟勝而驕雜以蠻兵

易破也請令可瓊等陳山前臣以步卒三千自巴溪

即麻溪在長沙縣北

渡江

湘江也注見前

出嶽麓

山名在長沙府善化縣西衡山足也

後

夜擊之希廣以為可而可瓊已送款于希萼遂沮其

議

希廣信巫覡及僧語塑鬼于江上舉手以卻朗兵又作大像于高樓手指水西怒目視之命衆僧日

夜誦經自衣僧服膜拜求福

朗兵水陸急攻指揮使吳宏小門使

楊滌相謂曰以死報國此其時矣各引兵出戰自辰

至午朗兵小卻劉彥瑫按兵不救彭師嵩戰于城東

北隅可瓊舉全軍降希萼長沙遂陷希崇帥將吏詣

希萼勸進

吳宏見希萼曰不幸為許可瓊所誤今日死不愧先王矣彭師嵩投槊于地大呼請

死希萼嘆曰鐵石人也皆不殺

希萼入府捕希廣獲之自稱楚王以

希崇為節度副使謂將吏曰希廣鈍夫也為左右所

制耳吾欲生之可乎朱進忠曰大王三年血戰始得

長沙一國不容二主他日必悔之乃賜希廣死

希廣臨刑

猶誦佛書彭師嵩葬之于瀏陽門外希萼召拓跋恒欲用之恒稱疾不起瀏陽門長沙東門以通瀏陽

水名瀏陽水出長沙府瀏陽縣西北流入湘

漢劉賈發徐州

賈留右都押牙鞏廷美教練使楊溫守徐州與馮道等西來在道伏衛皆如王者左右呼萬歲郭威至滑州留數日賈遣使慰勞諸將受命之際相顧不拜私相謂曰我輩屠陷京城其罪大矣若劉氏復立我輩尚有種乎

漢郭威至澶州自立而還王峻王殷遣兵拒劉賈以太

后誥廢為湘陰公令郭威監國

威至澶州將發將士數千人忽大譟曰天子須侍中  
自為之將士已與劉氏為仇不可立也或裂黃旗以  
被威體共扶抱之呼萬歲震地因擁威南行威乃上  
太后牋請奉漢宗廟事太后為母下書撫諭大梁士  
民勿有憂疑至七里店竇貞固帥百官出迎拜謁勸  
進贊至宋州王峻王殷聞澶州軍變遣郭崇威將七  
百騎往拒之又遣馬鐸將兵詣許州巡檢崇威忽至



宋州贊大驚閤門登樓詰之對曰澶州軍變郭公遣  
崇威來宿衛贊召崇威登樓執手而泣時護聖指揮  
使張令超帥部兵為贊宿衛徐州判官董喬說贊急  
召令超夜劫崇威奪其兵北走晉陽贊猶豫未決是  
夕崇威密誘令超帥衆歸之贊大懼郭威召馮道先  
歸贊謂之曰寡人此來所恃者以公三十年舊相故  
無疑耳今事危矣公何以為計道默然客將賈貞數  
目道欲殺之贊曰汝輩勿草草無預馮公事崇威遷

贊于外館殺董裔賈貞等數人太后誥廢贊為湘陰  
公馬鐸引兵入許州劉信自殺太后誥以待中監國  
百官藩鎮相繼上表勸進後漢自高祖至隱  
帝凡二主合四年  
南漢以宮人為女侍中

南漢主以宮人盧瓊仙黃瓊芝為女侍中朝服冠帶  
參決政事宗室勲舊誅戮殆盡惟宦官林延遇閩清人

等用事

延遇陰險多計數後卒薦龔澄樞自代  
南漢主即日用之 龔澄樞南海人

平周太祖郭威廣順元年北漢主劉崇乾祐四年是  
歲周代漢北建國凡五國三鎮十月湖南亡  
春

正月郭威稱皇帝國號周

是為後周太祖

漢太后下詔授監國符寶即皇帝位制曰朕周室之

裔毓叔之後

春秋有郭公公羊傳曰毓謂之郭音之轉也

國號宜曰周改

元大赦凡倉場庫務掌納官吏無得收斗餘稱耗舊

所進羨餘物悉罷之犯竊盜反姦者並依晉天福元

年以前刑名罪人非反逆無得誅及親族籍沒家貲

唐莊宗明宗晉高祖各置守陵十戶漢高祖陵職員

官人薦享守戶並如故

漢太后遷居西宮

號昭聖太后

漢河東節度使劉崇表請湘陰公歸晉陽

初宗聞隱帝遇害欲起兵南向聞迎立湘陰公乃止

曰吾兒為帝吾又何求太原少尹李驥

正定人

陰說崇

曰觀郭公之心終欲自取公不如疾引兵逾太行據

孟津俟徐州相公即位然後還鎮則郭公不敢動矣

不然且為所賣崇怒曰腐儒欲離間吾父子命左右

贊避迎立而大  
位未踐或否尚  
未可知李驥請  
據孟津實為河  
東自全上策且  
於湘陰繼統亦  
無所損劉崇乃  
以其子將為帝  
遂行傷心祝志

言如柄鑒輕加  
難卒之宋州  
未終歎焉滿覆  
之戒不其然乎

曳出斬之驤呼曰吾負經濟之才而為愚人謀事死  
固甘心家有老妻願與之同死崇并其妻殺之及贊  
廢崇乃遣使請贊歸晉陽周主報曰湘陰公比在宋  
州今方取歸必令得所公勿以為憂

漢湘陰公故將輩廷美等舉兵徐州

廷美楊溫聞湘陰公贊失位奉贊妃董氏據徐州拒  
守以俟河東援兵周主使贊以書諭之

遼使至大梁

遼人之攻內邱也死傷頗多又值月食軍中多妖異  
遼主懼引兵還遣使請和于漢會漢亡劉詞送其使  
者詣大梁周主遣將軍朱憲報聘且叙革命之由  
周以王殷為鄴都留守

周主以鄴都鎮撫河北控制遼境欲以腹心處之以  
殷為留守領軍如故仍以侍衛司從赴鎮

周主為故漢主承祐舉哀成服

周主威弒漢湘陰公贇于宋州漢劉崇稱帝于晉陽

是為

漢北

劉崇即位于晉陽仍用乾祐年號所有者并汾忻代

嵐憲隆蔚沁遼麟石十二州之地

隆州晉漢間置地在  
今岢嵐州餘注

俱見前

以判官鄭珙趙華

崇陽人

同平章事次子承鈞為

侍衛親軍都指揮使副使李存瓌為代州防禦使謂

諸將曰朕以高祖之業一朝墜地今日位號不得已

稱之顧我是何天子汝曹是何節度使邪由是不建

宗廟祭祀如家人宰相俸錢月止百緡節度使止三

十緡自餘薄有資給而已聞湘陰公死哭曰吾不用忠臣之言以至於此為李驤立祠歲時祭之

周罷四方貢獻珍食詔百官上封事

周主謂王峻曰朕起于微寒備嘗艱苦遭時喪亂一旦為帝王豈敢厚自奉養以病下民乎命俊疏四方貢獻珍食物詔悉罷之又詔曰朕生長軍旅不親學問未知治天下之道文武官有益國利民之術各具封事以聞

周主悉出漢宮中寶玉器碎之于庭曰凡為帝王安用此為仍戒左右自今珍



華悅目之物  
母得入宮

北漢主遣其子承鈞將兵伐周不克

二月周主以其養子榮為鎮寧節度使

選朝士為之僚佐以王敏崔頌

協之子

為判官王朴

字文

伯東平人為掌書記

遼遣使如周周報之

北漢遣使如遼乞師

初遼主聞北漢主立使招討使潘伊納克遺劉承鈞

書北漢主使承鈞復書言本朝淪亡欲循晉室故事  
求援北朝遼主大喜至是北漢主遣使如遼乞兵已  
而遼主遣使如北漢北漢主使鄭珙以厚賂謝之致

書稱姪請行冊禮

按伊納克舊作  
聿撫今改正

周克徐州鞏廷美死之

夏四月蜀以伊審徵

字申圖  
太原人

知樞密院事

審徵蜀高祖

孟知祥  
廟號

之甥也少與蜀主相親狎及知

樞密以經濟為已任而貪侈回邪與王昭遠相表裏

蜀政由是浸衰

周以王峻范質李穀同平章事

初周主討河中已為人望所屬李穀時為轉運使周主數以微言諷之穀但以人臣盡忠為對周主以是賢之即位首用為相軍旅之謀多所裨益范質明敏彊記謹守法度李穀沉毅有器畧論議忼慨善譬喻以開主意

楚朗州將王逵

郎州武陵人

周行逢

亦武陵人

等逐其節度使推

劉言廬陵人為留後

先是楚朗州指揮使王逵副將周行逢作亂入于朗

州

楚王希萼既得志殺戮無度縱酒荒淫使逵行逢帥所部兵治府舍執役甚勞又無犒賜士卒愁怨

逵行逢帥衆逃歸

希萼遣兵追之逵行逢擊殺殆盡遂入朗州

推楚王希萼兄子光

惠為留後及是逵行逢以光惠愚懦嗜酒辰州

隋置今為

府屬湖南

刺史劉言驍勇得蠻夷心欲迎以為副使言知

逵等難制曰不往將攻我乃單騎赴之既至衆廢光

惠推言權武平留後求節于唐亦稱藩于周

遼遣使如北漢冊命其主崇更名旻

遼燕王舒幹

遼史作察罕 按舒幹舊作述軋察罕舊作察割今並改

弑其主鄂約

而自立舒嚕討殺舒幹而代之

北漢遣兵代周遼主欲引兵會之與諸部議諸部不

欲南彊之行至新州燕王舒幹作亂殺遼主而自立

齊王舒嚕逃入南山諸部奉之以攻舒幹殺之立舒

嚕為帝北漢主復以叔父事之諸兵以擊晉州舒嚕

年少好遊戲每夜酣飲達旦乃寐日中方起國人謂

之睡王後更名明

五代史遼史俱作環

楚將徐威等作亂廢其君希萼立希崇為武安留後楚人復立希萼居衡山

楚王希萼悉以軍政委其弟希崇希崇與指揮使徐威陸孟俊等謀作亂會希萼宴將吏威等先驅馬十餘入府自帥其徒執斧斤白挺聲言繫馬奄至座上縛希萼而囚之立希崇為武安留後希崇遣彭師高廖偃幽希萼于衡山縣師高偃奉希萼為衡山王

初希

希崇秋希廣而  
自立實為楚之  
亂臣師高素事  
希廣當以故君  
為重則希崇乃  
其仇也方其大  
呼諸死時勁氣  
凜然頗似明於  
不二之義者既  
不能救賊雪憤  
且奉為主而誰  
事之何其厚于  
夢而薄于廣也

夢入長沙師曷雖免死猶杖背然為民希崇以為師  
曷必怨之使送希崇于衡山師曷曰欲使我為弑君  
之人乎率事逾謹與衡山指揮使廖匯謀其立希崇  
為衡山王以縣為行府召募徒眾各州縣多應之  
冬十月唐遣邊鎬將兵擊楚馬希崇降楚自馬殷據湖  
南至希崇降唐

凡六主合  
五十六年

徐威等見希崇所為知必無成又畏朗州衡山之逼  
欲殺希崇希崇大懼密奉表請兵于唐唐主命邊鎬  
將兵萬人趣長沙希崇率弟姪迎拜鎬下馬稱詔勞  
之時湖南饑饉鎬大發馬氏倉廩賑之楚人大悅是月

為將劉仁贍取岳州撫納降附人忘其亡既而南  
漢取桂州盡有嶺南地劉仁贍字守惠彭城人

遼北漢會兵伐周攻晉州

遼遣蕭裕矩

舊作禹厥  
今改正

將兵五萬會北漢兵伐周北

漢主自將兵二萬攻晉州三面置寨晝夜攻之巡檢

使王萬敢與都指揮使史彥超

雲州人

何徽等共攻之

唐以邊鎬為武安節度使遷馬氏之族于金陵

馬希萼望唐人立已為潭帥而潭人惡希萼共請遷

鎬為師鎬趣希崇希萼入朝希崇與宗族及將佐千百



餘人號慟登舟送者皆哭響振川谷希萼亦與將佐  
士卒萬餘人東下尋至金陵唐主以希萼鎮洪州希  
崇鎮舒州廣百官賀湖南平起居郎高遠曰我乘楚  
亂取之甚易觀諸將之才恐守之甚難耳  
司徒致仕李建勲曰禍其始于  
此乎高遠字悠遠幽州人

十一月周遣王峻救晉州

詔諸軍皆受峻節度聽以便宜從事

十二月周主自將救晉州不果行

王峻留陝州旬日周主以北漢攻晉州急議自將由

澤州路與峻會兵救之十二月朔詔以三日西征峻  
因使者言于周主曰晉州城堅未易可拔劉崇兵鋒  
方銳不可力爭所以駐兵待其衰耳陛下新即位不  
宜輕動若車駕出汜水則慕容彥超引兵入汴大事  
去矣周主聞之以手提耳曰幾敗吾事乃勅罷親征  
周王峻至晉州遼北漢兵夜遁

北漢主攻晉州久不克軍乏食遼人思歸聞王峻至

燒營夜遁

峻入晉州諸將請亟追遼漢兵峻猶豫未  
決明日乃遣指揮使藥元福康延治將騎

兵追之北漢兵墜崖谷死者甚衆遼人比至晉陽土  
馬什喪四三北漢主始息意于進取北漢土瘠民貧  
內供軍國外奉遼人賦繁役重  
民不聊生逃入周境者甚衆

壬周廣順二年是歲凡五  
子國三鎮劉言據湖南

春正月周恭寧軍節度使慕

容彥超反周發兵討之

初周主既立彥超遣使入貢于周周主賜詔慰安之

及徐州平彥超疑懼日甚

潛以書結北漢  
又求援于唐

周主遣使

與誓彥超愈不自安反迹漸露至是彥超發鄉兵入  
城為戰守之備又多募羣盜剽掠隣境周主以曹英

即曹威避周  
主名改焉

為都部署向訓

向氏采向戌之後訓可  
內人後更名拱字星民

為都監藥元福為都虞候討彥超

唐主廢兵軍下邳  
以援彥超周師逆

擊大破之  
彥超勢沮

英等至兗州設長圍彥超屢出戰藥元福

皆擊敗之長圍合遂進攻之

彥超之將反也判官崔  
周度諫曰魯詩書之國

自伯禽以來不能霸諸侯然以禮義守之可以長世  
公于國家非有私憾況主上開諭勤至苟撤備歸誠  
則坐享泰山之安矣彥超怒及是括士民之財  
以贍軍坐匿財死者甚衆周度遂為彥超所殺

二月唐設科舉既而罷之

唐主好文學故韓熙載馮延巳延魯江文蔚潘佑  
州幽

人徐鉉之徒皆至美官文雅于諸國為盛然未嘗設  
科舉多因上書言事拜官至是始命文蔚知貢舉執  
政皆不由科第相與沮毀竟罷

三月唐以馮延巳孫晟同平章事

唐以延巳晟為相既宣制戶部尚書常夢錫衆中大  
言曰白麻甚佳但不及江文蔚疏耳

文蔚疏勅延巳事具前

晟

素輕延巳謂人曰金盃玉盤乃貯狗矢乎

夏四月丙戌朔日食

周主自將討袁州克之慕容彥超自殺

周主以曹英久無功下詔親征至袁州使人招諭彥超不從乃命進攻彥超貪吝人無鬪志將卒多出降官軍克城彥超赴井死官軍大掠城中死者近萬人周主欲悉誅其將吏翰林學士竇儀字可象漁陽人見馮道

范質與共白曰彼皆脅從耳乃赦之

六月朔周主如曲阜謁孔子祠

在曲阜縣城中即闕里故宅

拜其墓

周主謁孔子祠將拜左右曰孔子陪臣也不當以天子拜之周主曰孔子百世帝王之師敢不敬乎遂拜又拜孔子墓命禁樵採訪孔子顏淵之後以為曲阜令及主簿

蜀大水壞其太廟

遼幽州節度使蕭海真

遼史作國舅蕭然赫特世宗后之弟也按然赫特舊作眉古

得今改正請降于周不果

李濟之弟澣在遼為勤政殿學士與海真善說海真

內附海真欣然許之澣因謀以聞且與濤書言契丹主童驤無遠志朝廷若能出兵必克不然與和必得二月皆利于速度其情勢他日終不能力助河東者也  
也會中國多事不果從

秋九月遼攻周冀州周兵拒卻之

冬十月武平留後劉言遣兵攻潭州唐節度使邊鎬棄城走言遂取湖南

唐武安節度使邊鎬昏懦無斷不合衆心唐主使鎬



經畧朗州名劉言入朝言不行謂王逵曰唐必伐我

奈何逵曰邊鎬撫御無方士民不附可一戰擒也言

乃以逵及周行逢何敬真

武陵人

潘叔嗣張大表

俱朗州人

等十人皆為指揮使部分發兵

行逢能謀大表善戰叔嗣果敢三人多相

須成功績款甚昵

十月逵等將兵分道趣長沙邊鎬遣屯兵

益陽逵等克之遂至潭州鎬棄城走吏民俱潰逵入

城自稱武平節度副使權知軍府事以何敬真為行

軍司馬唐將守湖南諸州者相繼遁去劉言盡復馬

氏嶺北故地惟郴連入于南漢

遼大水

瀛莫幽州大水流民入塞者四十萬口周詔所在賑  
給存處之中國民被掠得歸者十五六

周平章事李穀辭位不許

穀以病臂辭位周主遣中使諭旨曰卿所掌至重朕  
難其人苟事功克集何必朝禮穀不得已復視事穀  
未能執筆詔以三司務繁命刻名印用之

周立訴訟法

敕民有訴訟必先歷縣州及觀察使處決不直乃聽  
詣臺省或自不能書倩人書牒者必書所倩姓名居  
處若無可倩聽執素紙所訴必須已事毋得挾私容訴

謂代人  
中訴

周慶州

注見前

野雞族

黨項別種  
居慶州北

反遣折從阮討之

慶州刺史郭彥欽惟貪野雞族多羊馬彥欽故擾之  
以求賂野雞族遂反徙折從阮為靜難節度使討之

邊錫庸疎下材  
務姑息而不知  
要領其始末不  
安輯民未嘗不  
受其益繼而因  
循不振流為廢  
弛愛人而不得  
其道非惟害人  
而并以自害遠  
乎建澤地誦每  
况愈下誠可憫  
耳

已而野雞族降殺牛族復反周主以郭彥欽授羣胡  
致其作亂黜廢于家選良吏為刺史以撫之會解州  
刺史郭元昭代歸元昭故與樞密魏仁浦有隙甚懼  
仁浦知之即白周主以元昭為慶州刺史殺牛族  
亦黨項  
別種

### 唐馮延巳晟罷削邊鎬官爵流饒州

初鎬從查文徽克建州凡所俘獲皆全之建人謂之  
邊佛子及克潭州市不易肆潭人謂之邊菩薩既而  
政無綱紀惟日設齋供盛修佛寺潭人失望謂之邊  
和尚至是鎬削官坐譴馮延巳孫晟上表請罪皆釋

之晟陳情不已乃與延已皆罷

唐主以此年出師無功乃議休兵息民或

曰願陛下數十年不用兵可小康矣唐主曰將終身不用何數十年之有先是吉水人歐陽廣上書言邊

徭非將帥才必喪湖南唐主

不聽及是思廣言得本縣令

十二月河決鄭滑周遣使修塞

周靜難節度使侯章

并州榆次人

入朝

章獻買宴絹千匹銀五百兩周主不受曰諸侯入覲

天子宜有宴犒豈特買邪自今如此比者皆不受

癸丑周廣順三年是歲凡五

丑國三鎮王遠據湖南春正月周以劉言為武平節

度使

劉言上表于周乞移使府治朗州且請貢獻賣茶悉如馬氏故事許之以言為武平節度制置武安靜江等軍事王逵為武安節度使何敬真為靜江節度使周行逢為武安行軍司馬敬真尋為逵所殺

周罷戶部營田務除租牛課

前世屯田皆在邊地使戍兵佃之唐末中原宿兵所在皆置營田以耕曠土其後又募高貲戶使輸課佃

寓兵于農古制  
既不可得自充  
因建諸屯田猶  
行寓農于兵之  
意然其大要惟  
在實邊儲蓄輸  
乾經理得宜庶  
乎有事可戰無  
事可戍均不失  
為良法若五季  
中原宿兵徒成  
弊政募高資而  
括通賦名是實  
非則誠不如其  
已矣

之戶部別置官司總領不隸州縣或丁多無役或容  
庇姦盜州縣不能詰梁太祖擊淮南得牛萬計以給  
農民使歲輸租牛死而租不除民甚苦之周主素知  
其弊李穀亦以為言敕悉罷之以其民隸州縣田廬  
牛具並賜見佃者為永業是歲戶部增三萬餘戶民  
既得為永業始敢葺屋植木獲地利數倍或言營田  
有肥饒者不若鬻之可得錢數十萬緡以資國用周  
主曰利在于民猶在國也朕用此錢何為

唐草澤郎  
崇上言近

遊淮上聞周主恭儉增脩德政吾兵新  
破于漳朗恐其有南征之志宜為之備

遼攻周定州周擊走之

周鎮寧使度使郭崇入朝

先是崇屢求入朝王峻忌其英烈每沮止之會峻行

視決河

周主以決河為憂峻請自行視

崇復請周主討之至是乃入

朝

故李守貞駙士馬全義從崇入朝台見補殿前指揮使謂左右曰全義忠于所事昔在河中屢挫吾

軍汝輩宜效之焉

全義幽州薊人

周以王峻兼平盧節度使



峻間榮入朝遽自河上還大梁固求領鎮故有是命

二月周更作二寶

初遼主德光以晉傳國寶北還至是更以玉作二寶

五代會要時製寶兩座用白玉方六寸螭虎鈕其一以皇帝承天受命之寶為文其一以皇帝神寶為文

命中書令  
馮道書寶

周貶王峻為商州司馬

峻晚節益狂躁奏請以顏衍

字祖德曲阜人先國公四十五世孫

陳觀

為相周主曰進退宰相不可倉猝俟更思之峻語浸

不遜峻退周主幽之別所召見馮道等泣曰王峻陵  
朕太甚欲盡逐大臣翦朕羽翼朕惟一子專務間阻  
無君如此誰則堪之乃貶峻商州司馬以病卒

三月周主以郭榮為開封尹封晉王

夏六月周九經板成

後唐長興中所刻九經板至是始成獻之由是雖亂

世九經傳布甚廣

是時蜀母昭裔亦出私財百萬營  
學館且請刻板印九經蜀主從之

由是蜀中文學亦盛  
母氏齊宣王弟封  
母御其後因以為氏昭裔河中龍門人

王達執劉言殺之尋以周行逢知朗州事

達上表于周誣言欲降唐幽之別館請復移使府治  
潭州周從之達以周行逢知朗州事使潘叔嗣殺言

于朗州

已而達復從治朗州以行逢知潭州事叔嗣為岳州團練使

秋七月唐大旱

唐大旱井泉涸淮水可涉饑民度淮相繼濠壽發兵  
禦之民與鬪而北周主聞之曰彼我之民一也聽糴  
米過淮唐人遂築倉多糴以供軍八月詔以舟車運

載者勿予

八月周塞決河

周大水

周築郊社壇作太廟于太梁

周主自入秋得風痺疾術者言宜散財以禳之周主  
欲祀南郊又以自梁以來郊祀常在洛陽疑之執政  
曰天子所都則可以祀百神何必洛陽于是始築圜  
丘祀稷壇作太廟于太梁

周鄴都留守王殷入朝周主殺之

殷恃功專橫凡河北鎮戍兵應用敕處分者殷即以帖行之又多括斂民財周主聞之不悅因其入朝留充京城內外巡檢因力疾御殿殷入起居遂執之下制誣殷謀以郊祀日作亂殺之

唐復置科舉

從知制誥徐鉉之請也

冬十二月周主朝享太廟疾作而退

周主享太廟纔及一室不能拜而退命晉王榮終禮  
是夕宿南郊幾不救夜分小愈

甲周顯德元年正月世宗皇帝榮立冬北漢  
寅乾祐七年吳子鈞立是歲凡五國三鎮

春正月朔

周主祀圜丘

周主祀圜丘僅能瞻仰致敬而已

周以晉王榮判內外兵馬事

時羣臣希得見中外恐懼聞晉王典兵人心稍安

周主疾篤詔晉王榮聽政

周主疾篤停諸司細務勿奏有大事則晉王榮稟進

止宣行之

初周主在鄴都奇愛小吏曹翰之才使之

事晉王榮至是翰請聞曰大王國之儲嗣今主上寢疾大王當入侍醫藥奈何猶決事于外邪  
榮感悟即日入止禁中周主屢戒榮曰昔吾西征見唐十八陵無不發掘者此無他惟多藏金玉故也我死當衣以紙衣斂以瓦棺塋中無用石以覽代之工  
人役徒見和雇加以煩民葬畢募近陵民三十戶蠲其雜徭使之守視勿修下宮置宮人作石羊虎人馬惟刻石置陵前云周天子平生好儉約遺令用紙衣斂瓦棺嗣天子不敢違也汝或吾違吾不福汝

翰大名人

周遣使分塞決河

周以王溥同平章事

周主命趣草制相溥宣畢曰吾不恨矣

周主威殂晉王榮立

為周世宗

三月北漢主以遼兵擊周周昭義節度節李筠

即李榮避周主

名改逆戰敗績

北漢主聞周太祖殂甚喜遣使請兵于遼遼遣其政

事令楊衮將萬騎如晉陽北漢主自將兵三萬以白

從暉

吐谷渾人

為都部署張九徽

武安人

為前鋒使與遼趣



潞州節度使李筠遣其將穆令均將兵逆戰元徽與  
戰陽不勝而北令均逐之伏發被殺筠遁歸上黨嬰  
城自守

三月周主自將與漢戰于高平

注見前

漢兵敗績周將樊

愛能何徽等伏誅

周主欲自將禦漢兵羣臣皆曰陛下新即位山陵有  
日人心易搖不宜輕動宜命將禦之周主曰崇韋我  
大喪輕朕年少新立此必自來朕不可不往馮道固

爭之

周主曰昔唐太宗定天下未嘗不自行朕何敢偷安道曰未審陛下能為喜太宗否周主曰以

吾兵力之彊破劉崇如山雁卵耳道曰未審陛下能如山否周主不悅

惟王溥勸行乃

命馮道奉梓宮赴山陵遂發大梁至懷州兼行速進

宿澤州東北北漢主軍高平南明日周前鋒擊之北

漢兵卻周主慮其遁去趣諸軍急進北漢主陳于巴

公原

在澤州府鳳臺縣北今名巴公鎮

張元徽軍其東楊衮軍其西

衆頗嚴整周河陽節度使劉詞將後軍未至衆心危

懼而周主志氣益銳命白重贊

憲州人

李重進

滄州人周太祖

馮道歷事四姓  
有沉取客未聞  
周主自將一節  
曉曉不休既非  
致主之患又無  
料敵之智而無  
切盡言頓似無  
直此非沽直名  
以救末路蓋彼  
天性畏事即使  
北漢至而周祚  
移彼又將從北  
而保祿位周之  
成敗固非所介  
于懷也

之甥將左軍居西樊愛能何徽將右軍居東向訓史彥

超將衛騎居中張永德

字抱一并州陽曲人

將禁兵自衛介馬

臨陳督戰北漢主見周兵少悔召遼兵遼將楊衮策

馬望前周軍退謂北漢主曰勁敵也未可輕進北漢

主奮髯曰請公勿言試觀我戰時東北風盛俄轉南

風北漢主麾東軍先進擊周右軍合戰未幾周樊愛

能何徽引騎兵先遁右軍潰步兵千餘人解甲降北

漢周主見軍勢危自引親兵犯矢石督戰趙匡胤

涿郡

人即宋太祖

時為宿衛將謂同列曰主危如此吾屬何得

不致死又謂張永德曰賊氣驕可破也公引兵乘高

西出為左翼我為右翼以擊之國家安危在此一舉

永德從之各將二千人進戰匡胤身先士卒馳犯其

鋒士卒死戰無不一當百北漢兵披靡張元徽前畧

陳馬倒為周兵所殺北軍奪氣時南風益盛周兵爭

奮北漢兵大敗楊衮畏周兵之彊不敢救且恨北漢

主之語全軍而退時北漢主尚有餘衆萬餘人阻澗

而陳薄暮劉詞至復與諸軍擊敗之追至高平僵尸  
滿谷委棄輜重器械不可勝紀是夕周主野宿得步  
兵之降敵者皆殺之樊愛能等聞捷與士卒稍稍復  
還北漢主帥百餘騎晝夜北走所至得食未舉筋或  
傳周兵至輒蒼黃而去衰老力憊殆不能支僅得入  
晉陽周主休兵高平欲誅樊愛能等猶豫未決以訪  
張永德對曰愛能等素無大功忝冒節鉞望敵先逃  
死未塞責且陛下欲削平四海苟軍法不立雖有

熊罷之士百萬之衆安得而用之周主稱善即收愛  
能徽及所部軍使以上七十餘人責之曰汝輩非不  
能戰正欲以朕為奇貨賣與劉宗耳悉斬之自是驕  
將情卒始知所懼矣永德稱趙匡胤之智勇周主擢

為殿前都虞候

宋太祖  
事始此

餘將校遷拜者凡數十人

北漢

主收散卒繕甲兵完城塹以備周遣王得中送楊衮  
還因復求救于遼遼主許之已而得中歸值周兵因  
送于軍周主釋之陽以帶馬問虜兵何時當至得中  
曰臣受命送楊衮他無所求或謂得中曰公不以實  
告契丹兵即至公得無危乎得中太息曰吾食劉氏  
祿有老母在城中若以實告周人必發兵據險以拒

之如此則家國兩亡吾獨主何益不若殺身以全家  
國所得多矣居數日周人縊殺之王得中上黨人

周遣行營部署符彥卿督諸將攻北漢至晉陽孟縣漢置

今縣屬平定州汾遼州降

周主遣符彥卿等北征但欲耀兵于晉陽城下未議

攻取既入北漢境其民爭以食物迎榮泣訴劉氏賦

役之重願供軍須助攻晉陽州縣亦繼有降者周主

始有兼并之意既而北漢憲嵐州降周周又克北漢石州沁州亦降

周中書令馮道死

道少能矯行以取稱于世及為大臣尤務持重以鎮

物事四姓十君

滑稽多智  
浮沉取容

益以舊德自處然是時天

下大亂道視喪君亡國未嘗以屑意方自著長樂老  
叙述所得累朝階勲官爵以為榮君子鄙之

歐陽修論曰禮義廉恥國之四維四維不張國乃滅  
亡况為大臣而無廉恥天下其有不亂國家其有不  
亡者乎觀馮道長樂老傲自述以為榮可  
謂無廉恥者矣則天下國家可從而知也

夏五月周主攻晉陽不克引軍還

周主自潞州趨晉陽至其城下旗幟環城四十里遼



君躬攬庶政  
機不下移奸  
無由得售所  
實多高錫祖  
晏安習見但  
垂拱為得大

騎數千屯忻代之間周遣符彥卿等擊之史彥超為  
前鎮恃勇輕進為遼所殺周兵死傷甚衆彥卿引兵  
還晉陽時方久雨士卒疲病會彥超死乃議引還將  
發匡國節度使藥元福曰進軍易退軍難乃勒兵城  
列而殿北漢果出兵追躡元福擊走之然軍還怱遽  
焚棄芻糧數十萬失亡不可勝計所得北漢州縣復  
皆失之

周主以違衆議破北漢兵自是政無大小皆  
親決百官受成而已河南府推官高錫上書

諫曰四海之廣萬幾之衆雖堯舜不能獨治必釋人  
而任之今陛下以一身親之天下不謂陛下聰明睿

體而不知勅裁  
實握治原藉如  
所言擇人分任  
而不復稽其職  
守安必所擇皆  
賢與能而不爽  
知人之鑒乎觀  
周世宗事皆親  
決而美政史不  
勝書可以知治  
要矣

知足以兼百官之任皆謂陛下褊迫疑忌不信羣臣  
耳不若選能知人公正者以為宰相能愛民聽訟者  
以為守令能豐財足食者使掌金穀能原情守法者  
使掌刑獄陛下但垂拱明堂視其功過而賞罰之天  
下何憂不治何必降君尊而代臣職屈貴位而親賤  
事無乃失政之本乎不從 高錫字天福河中虞鄉人

冬十月周簡閱諸軍募壯士以補宿衛

初宿衛之士累朝相承務為姑息不欲簡閱恐傷人  
情由是羸老居多但驕蹇不用命實不可用每遇大  
敵不走即降其所以失國亦多由此周主因高平之  
戰始知其弊謂侍臣曰凡兵務精不務多今以農夫

百未能養甲士一奈何股民之膏血養此無用之物  
乎且健懦不分衆何所勸乃命大簡諸軍精銳者升  
之上軍羸者斥去之又以驍勇之士多為諸道所蓄  
詔募天下壯士咸遣詣闕命趙匡胤選其尤者為殿  
前諸班其騎步諸軍各命將帥還之由是士卒精彊  
所向克捷

周罷諸道巡檢使臣

周主謂侍臣曰諸道盜賊頗多蓋由累朝分命使臣

巡檢致藩候守令皆不致力宜悉召還專委節鎮州  
縣責其清肅

十一月周河隄成

河自楊劉至于博州百二十里連年東潰分為二派  
匯為大澤瀾漫數百里又東北壞古隄而出灌齊棣

淄諸州漂沒田廬不可勝計流民采菰

即葵  
米也  
稗  
草似  
穀者

捕魚以給食久不能塞至是遣李穀按視隄塞役徒  
六萬三十日而畢

北漢主旻殂子鈞立

北漢主自高平之敗憂憤成疾悉以國事委其子承鈞及是北漢主殂告哀于遼遼冊命承鈞為帝更名鈞鈞性孝謹既嗣位勤于為政愛民禮士境內粗安其事遼表稱男遼賜詔謂兇皇帝

湖南大饑

是歲湖南大饑周行逢開倉以賑之全活甚衆

行逢起于

微賤知民間疾苦其自奉甚薄或譏其太儉行逢曰馬氏父子窮奢極靡不恤百姓今子孫乞食于人又

足效

手

周顯德二年是  
卯歲凡五國三鎮

春正月周制給漕運斗耗

自晉漢以來漕運不給斗耗綱吏多以虧欠抵死至  
是詔每斛給耗一斗

周遣使如夏州

先是周主圍晉陽折德扆將兵來朝因置永安軍以  
德扆為節度使李彝興以德扆與已並列恥之塞路  
不通周使周主謀于宰相對曰夏州邊鎮朝廷每加

一齊詔往貢而  
與典譴罪惡後  
由周世宗均見  
其無能為是以  
言下立斷棄不  
如志若阻于後  
借之說委曲調  
停轉至損威敗  
事段尋貽害觀  
于宋人以天下  
全力為西夏一  
隅所困莫敢進  
何對此能無所  
厚乎

優借府州徧小得失不繫重輕且宜撫諭與庶全  
大體周主曰德宸數年以來盡力以拒劉氏奈何一  
旦棄之且夏州惟產羊馬貿易百貨悉仰中國我若  
絕之彼何能為乃遣供奉官齎詔書責之與興惶恐  
謝罪

周制舉令

縣令錄事

法

初令翰林學士兩省舉令錄除官之日仍署舉者姓  
名若貪穢敗官並當連坐

周浚胡盧河

在趙州寧書縣東南今名寧晉泊亦曰北泊漳溢諸水所匯下流至冀州合漳沱河

城李晏口

今日李晏鎮有二一在河間府景州東北為東鎮一在深州高為西鎮

以張藏英

范陽人嘉貞之後

為沿邊巡檢使

遼人屢侵河北輕騎深入無藩籬之限郊野每因殺

掠言事者稱深冀之間有胡盧河橫亘數百里可浚

之以限其奔突詔王彥超

大名臨清人

韓通

太原人

將兵夫

浚之築城于李晏口留兵戍之周主召張藏英問以

備邊之策藏英具陳地形要害請列置戍兵募邊人



驍勇者厚其廩給自請將之隨宜討擊從之藏英到官數月募得千餘人彥超等視役嘗為遼人所圍藏英引兵馳擊大破之自是河南之民始得休息

二月庚子朔日食周詔羣臣極言得失

詔曰朕于卿大夫才不能盡知面不能盡識若不采其言而觀其行審其意而察其忠則何以見器識之淺深知任用之得失若言之不入罪實在予苟求之不言咎將誰執

夏四月周廣大梁城

周主以大梁城中迫隘詔展外城先立標幟今冬農隙興板築東作動則罷之更俟次年以漸成之

周以王朴為諫議大夫知開封府事

周主謂宰相曰朕每思致治之方未得其要寢食不忘又吳蜀幽并皆阻聲教未能混一宜命近臣著為君難為臣不易論及開邊策各一篇朕將覽焉比部郎中王朴獻策

曰中國之失吳蜀幽并皆由失道今必先觀所以失之之原然後知所以

取之之術其始失之也莫不以君暗臣邪兵驕民困  
姦黨內熾武夫外橫固小致大積微成者今欲取之  
莫若反其所為而已進賢退不肖以收其不恩隱誠  
信以結其心賞功罰罪以盡其力去奢節用以豐其  
財時使薄斂以阜其民矣羣才既集政事既治財用  
既充士民既附然後舉而用之功無不成矣凡攻取  
之道必先其易者唐與吾接境幾二千里其勢易擾  
也擾之當以無備之處為始備東則擾西備西則擾  
東彼必奔走而救之奔走之間可以知其虛實彊弱  
然後避實擊虛避彊擊弱未須大舉宜以輕兵擾之  
南人懦怯聞小有警必悉師以救之師數動則民疲  
而財竭不悉師則我可以乘虛取之如此江北諸州  
將悉為我有既得江北則用彼之民行我之法江南  
亦易取也得江南則嶺南巴蜀可傳檄而定南方既  
定則燕地必望風內附若其不至移兵攻之席捲可  
平惟河東必死之寇不可以恩信誘必當以彊兵制

之然彼自高平之敗力竭氣沮必未能為邊患宜且  
以為後圖俟天下既平然後自問一舉可擒也恩  
隱謂矜恤也周主欣然納之時羣臣多守常偷安所對少

可取者惟朴神峻氣勁有謀能斷周主重之以為諫  
議大夫知開封府事

五月周遣鳳翔節度使王景

萊州拔人伐蜀

周主謀取秦鳳求可將者王溥薦宣徽使向訓詔訓  
與景偕取秦州

周廢無額寺院禁私度僧尼

敕天下寺院非敕額者悉廢之禁私度僧尼凡欲出家者必俟祖父母父母伯叔父之命禁僧俗捨身斷手足煉指挂燈帶鉗之類之惑流浴者令諸州每歲造僧帳有死亡歸俗皆隨時開落廢寺院三萬餘所存二千六百九十四見僧尼六萬餘人

六月周主親錄囚于內苑

有汝州民馬遇父及弟為吏所寃死屢經覆按不能自伸周主臨問始得其實人以為神由是諸長吏無

不親察獄訟

蜀遣使如唐及北漢

蜀主遣間使如北漢及唐欲與之俱出兵以制周二

國皆許之

周以張美

字元珪貝州清河人

權點檢三司事

初周主在澶州美掌州之金穀隸三司者周主或私有所求美曲為供副至是以美治財精敏當時鮮及故以權授之征伐四方用度不乏美之力也然思在

澶州所為終不以公忠待之

秋九月周始鑄錢

周主以縣官久不鑄錢而民間多銷錢為器皿及佛像錢益少敕立監采銅錢錢唯法物軍器及寺觀鐘磬鉦鐸之類聽留外民間銅器佛像五十日內輸官受直過期匿五斤以上罪死不及者論刑有差

周主謂侍

臣曰佛以善道化人苟志于善斯奉佛矣彼銅像豈所謂佛邪且吾聞佛志在利人雖頭目猶捨以布施若朕身可以濟民亦非所惜也

周王景敗蜀師取秦階成州

蜀主遣李廷珪伊審徵拒周兵王景遣裨將以兵趣

唐倉

鎮名在漢中府鳳縣北

拒蜀歸路蜀將戰敗秦州判官趙

玘

澶州人

舉城降成階二州皆降百官皆入賀周主舉

酒屬王溥曰邊功之成卿擇帥之力也

蜀李廷珪伊審徵請罪蜀

王皆釋之致書請和于周周主怒其抗禮不答周師圍蜀鳳州節度使王環拒守不下久之城陷執環及都監趙崇溥崇溥不食而死環召見周主嘉其不降授右驍衛將軍王環鎮州人

冬十一月周遣李穀督諸軍伐唐



周以李穀為淮南前軍都部署王彥超副之督侍衛

都指揮使韓令坤

磁州武安人

等十二將以伐唐

唐主性柔和柔好

文華而喜人順已由是說臣曰進政事曰亂既克建州破湖南蓋驕有吞天下之志李守貞慕容彥超之叛皆為之出師又遣使通遼及北漢約共圖中國然遼利其貨徒以虛語相往來實不為之用也先是每冬淮水淺涸常發兵戍守謂之把淺壽州監軍吳廷紹以疆場無事罷之清淮節度使劉信贍固爭不能得及是周師將至唐人大懼仁贍神氣自若部分守禦無異平日衆情稍安

周䟽汴水

汴水自唐末潰決自埧橋東南悉為汙澤周主謀擊

唐先命發民夫因故隄疏導之東至泗上議者皆以  
為難成周主曰數年之後必獲其利

唐遣兵拒周師于壽州周師擊敗之

唐主以劉彥貞

兗州中都人

為都部署將兵二萬趣壽州

皇甫暉

後晉開運末奔唐

姚鳳將兵三萬屯定遠

梁縣今屬鳳陽府

召鎮南節度使宋齊邱還金陵謀國難周李穀等為

浮梁自正陽

鎮名有二一在潁州府潁上縣東南為西鎮一在鳳陽府壽州為東鎮西鎮夾

淮相

對濟淮王彥超敗唐兵于壽州城下

周樞密使鄭仁誨字日新卒

仁誨卒

仁誨為周太祖所親重居中謀畫慎密不聞于人謙謹好禮為士大夫所稱

周主

欲臨其喪近臣奏歲道非便

謂年月方道不利

周主曰君臣

義重何時日之有往哭盡哀

吳越遣使入貢于周

吳越王俶遣使入貢于周周以詔諭之使出兵擊唐

俶既奉詔文以其相吳程言遣兵襲唐常州元德昭曰唐大國未可輕也若我入唐境而周師不至能無危字已而唐主以柴克宏為右武衛將軍使救常州尋召還宣潤都督燕王冀表留之時吳程已克常州

外郭克宏引兵襲擊其營大破之斬首萬餘級克宏復請得兵救壽州未至而卒吳程字正臣山陰人

元德昭本姓危字明遠撫州南城人

惡危字更姓為元柴克宏再用之子

丙辰周顯德三年是歲凡五辰國三鎮周行逢據湖南

春正月周主自將伐唐大敗

唐兵斬其將劉彥貞

周主下詔親征淮南命侍衛都指揮使李重進將兵先赴正陽遂發大梁李穀攻壽州久不克唐劉彥貞救之穀退保正陽彥貞素驕貴無才畧聞李穀退喜引兵直抵正陽劉仁贍及池州刺史張全約固止之

彥貞不從李重進度淮逆戰大破之斬彥貞擒其裨

將咸師朗等斬首萬餘級

是時江淮久安民不習戰唐人大恐張全約收餘衆奔壽

州劉仁贍表為左廂都指揮使皇甫暉姚鳳退保清流關清流關在滁州西南

周以李重進為都招討使李穀判壽州行府事

二月周主命趙匡胤將兵襲唐滁州克之擒其將皇甫

暉姚鳳

先是周主至壽州城下命諸軍圍之徙正陽浮梁于下蔡遣趙匡胤擊唐兵于塗山大破之至是下蔡浮

梁成周主自往視之命匡胤倍道襲清流關皇甫暉等驚走入滁州斷橋自守匡胤躍馬麾兵涉水直抵城下暉曰人各為其主願客成列而戰匡胤笑而許之暉整衆而出匡胤突陣擊暉擒之并擒姚鳳遂克滁州

初永

興節度使劉詞道來薦其幕僚趙普至是范質以為滁州判官匡胤與語悅之時獲盜百餘人皆應死普請先訊鞠然役吏所活什七八匡胤益奇之匡胤威名曰盛每臨陣必以繁纓飾馬鎧仗鮮明或曰如此則為敵所識匡胤曰吾固欲其識之耳

趙普字則平幽州薊人

唐主遣鍾謨

字重益  
崇安人

李德明奉表于周

唐主先奉書於周稱唐皇帝願以兄事周周主不答  
及是以兵屢敗懼亡乃遣翰林學士鍾謨文理院學  
士李德明奉表稱臣請平於周謨德明素辯口周主  
知其欲游說盛陳甲兵而見之曰爾主自謂唐室苗  
裔宜知禮義異於他國與朕止隔一水未嘗遣一介  
以修好惟泛海通契丹捨華事夷禮義安在且汝欲  
說我令罷兵邪我非六國愚主豈口舌所能移邪可  
歸語爾主亟來見朕再拜謝過則無事矣不然朕欲

往觀金陵城借府庫以勞軍汝君臣得無悔乎二人  
戰栗不敢言

周取唐揚州

周主詔知揚州無備命韓令坤等將軍襲之令坤奄  
至揚州以數騎馳入城城中不之覺唐副留守馮延  
魯髡髮僧服而逃軍士執之令坤慰諭其民使皆安

堵

已而周取唐泰州尋  
復取唐元舒新州

唐滅故吳主楊氏之族



唐主遣園苑使尹延範如泰州遷吳讓皇之族于潤  
州延範以道路艱難恐其為變盡殺其男子六十人還  
報唐主怒腰斬之

岳州團練使潘叔嗣殺王逵迎周行逢入朗州行逢討  
叔嗣斬之

王逵受周詔攻唐過岳州潘叔嗣燕鵠甚謹逵左右  
索取無厭譖嗣叔于逵逵面罵之叔嗣慙恨謂其下曰  
逵戰勝而還吾無遺類矣乃以兵襲朗州逵還戰

敗死或勸叔嗣遂據朗州叔嗣曰吾救死耳朗州非  
吾利也乃歸岳州使將吏迎周行逢于潭州行逢至  
或請以潭洲與叔嗣行逢曰叔嗣殺主帥罪當死以  
其迎我未忍殺爾若與潭州是吾使之殺王公也召  
為行軍司馬叔嗣怒稱疾不至行逢曰是又欲殺我  
矣陽以武安節鉞與之召使至府受命既至數其罪  
而斬之行逢乃自稱武平留後奉表于周

三月周主行視水寨

夫大如椽白古  
未聞以飛數十  
亦難以飛數十  
果如所云則鐵  
之非獨即折又  
安能破骨出之  
史家特欲顯張  
瓊之勇壯而不  
計其言之害理  
僞會失實何以  
徵信

周主至淝橋

淝水上海之橋

自取一石馬上持之至寨以供

礮從官過橋者人舉一石趙匡胤乘皮船入壽春壕

中城上發連弩射之矢六如椽牙將張瓊

鎗問人

以身

蔽之矢中瓊髀死而復蘇鏃著骨不可出瓊飲酒一

大卮令人破骨出之流血數升神色自若

唐遣司空孫晟奉表于周

唐主以孫晟為司空遣與禮部尚書王崇質奉表于

周請奉正朔守土疆晟謂馮延巳曰此行當在左相

然晟若辭之則為負先帝矣既行知不免中夜歎息

謂崇質曰君家百口宜自為謀吾思之熟矣終不負

永陵

李昇之陵

一杯土餘無所知也既至周主遣中使以

晟等詣壽春城下示劉仁贍且招諭之仁贍見晟戎

服拜于城上晟謂仁贍曰君受國厚恩不可開門納

寇周主聞之怒晟曰臣為唐宰相豈可教節度使外

叛邪周主釋之

唐主使李德明孫晟言于周請去帝號割六州歲輸金帛百萬以求罷兵

周主欲盡得江北之地不許德明請歸白唐主獻之

晟因奏遣王崇質與德明俱歸賜唐主詔曰諸卿忠

行軍而設之監  
雖得其人猶不  
免于掣肘況以  
常之庸陋推知  
撫兵坐視逼朱  
元以素淮北安  
得不廢間外之  
計至明代專任  
閹寺而冒功臣

來大軍立罷但存帝號何異歲寒僅聖事大之心欲  
不迫人于險言盡于此更不煩云苟曰未然請從茲  
絕唐主復上表謝德明意稱周主威德及甲兵之強  
勸唐主割江北之地唐主不悅宗齊邱以利他為無  
益德明言多過實拒密使陳覺副使李徽古素惡晟  
乃德明因譖德明賣國求利唐主大怒斬之李徽  
古奇  
春人

唐主以其弟齊王景達為元師將兵拒周師

唐主以景達為諸道兵馬元帥將兵拒周以陳覺為  
監軍使中書舍人韓熙載上書曰信莫信于親王重  
莫重于元帥安為監軍為哉不從

敗其弊不可枚  
舉自古覆轍相  
尋怙不知怪亦  
可悲已

夏四月唐兵攻六合趙匡胤擊破之

先是周主命匡胤將兵屯六合

唐將軍陸孟俊以兵  
趣泰州周兵遁去進

攻揚州韓令坤亦走周主急遣匡胤屯六合匡胤令  
曰揚州兵有過六合者折其足令坤乃還揚州拒守

擊破唐兵擒至是唐齊王景達將兵濟江距六合二  
五俊殺之

十餘里設柵不進諸將欲擊之匡胤曰吾衆不滿二

千若往擊之彼必見吾衆寡矣不如俟其來而擊之

其破必矣居數日唐出兵趣六合匡胤奮擊大破之

殺獲近五千人溺死甚衆于是唐之精卒盡矣

是歲  
山將

士有不致力也。匡胤陽為督戰，以劍斫其皮，翌明日遍閱其筌，筌有劍跡者數十人皆斬之。由是部兵莫敢不盡死。

### 周主如渦口

周主攻壽州久不克，失亡頗多，糧運不繼，議欲旋師。乃先行濠州會渦口，作新浮梁，成復自濠州如渦口。欲遂至揚州，范質等以兵疲食少泣諫而止。

周主嘗怒質僕

欲殺之。范質入救之，周主起避之。質趨前伏地叩頭曰：「儀罪不致于死，臣為宰相致陛下枉殺近臣，罪實在臣。」繼之以泣。周主意解，乃釋之。

五月周主還大梁留李重進圍壽州

六月唐遣員外郎朱元

沈邱人本姓舒事李守貞焉其姓使于唐守貞改遂仕唐將

兵復江北諸州

元因奏事論用兵方畧唐主以為能故用之

秋七月周以周行逢為武平節度使

行逢留心民事悉除馬氏橫賦貪吏徇民為民害者

皆去之擇廉平吏為刺史縣令境內以治

行逢世勇果敢于殺

戮夫人嚴氏諫之行逢怒嚴氏因諍往視家田至則營居以老歲時衣青裙押田戶送租入城行逢就見



之曰夫人何自苦若此嚴氏曰公思作戶長時乎民  
祖後時嘗苦鞭扑今貴矣且先期以率衆安得遂忘  
隴畝乎行逢疆邀之嚴氏卒無留意因曰公用法太  
嚴而失人心所以不欲留者一旦禍起田野爲逃  
匿耳行逢爲少損嚴氏  
通鑑作鄧氏今依五代史

唐朱元等取舒和蘄州周揚潞州守將皆棄城并兵攻

# 壽州

初唐人以茶鹽彊民而徵其粟帛謂之博徵

博彊也  
謂以茶

鹽易徵  
其粟帛

又興營田于淮南民甚苦之及周師至爭奉

牛酒迎勞而將帥不之卹專事俘掠民皆失望相聚

山澤操農器為兵積紙為甲時人謂之白甲軍周兵討之屢為所敗所得諸州多復為唐有淮南節度使向訓奏請以廣陵之兵併力攻壽春詔許之訓封府庫以授主者命升將分部按行城中秋毫不犯州民感悅軍還或負糗糧以送之滁州守將亦棄城引兵

趣壽春

唐諸將請據險以邀周師宗齊邱曰如此則怨茲深不如縱之以德于敵則兵易解也乃

命諸將自守毋得擅出由是壽春之圍益急齊王景達軍于濠州達為聲援軍政皆由于陳覺擁兵五萬

無決戰意將更畏之無敢言者

八月周作欽天歷

王朴與司天少監王處訥

河南洛陽人

所撰也

冬十月周立二稅起徵限

周主謂侍臣曰近朝徵歛穀帛多不俟收穫紛績之  
畢乃詔三司自今夏稅以六月秋稅以十月起徵民  
間便之

周山南東道節度使安審琦入朝除太師遣還鎮

審琦鎮襄州十餘年至是入朝除守太師遣還鎮審

琦悅周主謂宰相曰近朝多不以誠信待諸侯雖有欲效忠節者其道無由王者但能毋失其信何患諸侯不歸心哉

周以趙匡胤為定國

即同州匡國軍改號

節度使兼殿前都指揮

使

匡胤表趙普為節度推官

十一月周殺唐使者司空孫晟

唐使者孫晟鍾謨從至大梁周主待之甚厚時召見

飲以醇酒問以唐事晟但言唐主畏陛下神武事陛下

下無二心會得唐蠟書

唐永德與李重進不相悅永德密表重進有二心周主不

之信已而重進詣永德營宴飲永德意解唐主聞之以蠟書誘重進皆誇毀反問之語重進奏之

周主

召晟責之晟正色抗辭請死問以唐虛實默不對命

都承旨曹翰送晟於右軍巡院與之飲酒從容問之

晟終不言翰乃謂曰有敕賜相公死晟神色怡然索

靴袍整衣冠南向拜曰臣謹以死報國乃就刑并從

者百餘人皆殺之貶鍾謨為耀州司馬

既而周主憐晟忠節海殺

之名護拜  
衛尉少卿

周名華山隱士陳搏

字國南臺  
州真源人

詣闕尋遣還山

周主名陳搏問以飛升黃白之術對曰陛下為天子  
當以治天下為務安用此為乃遣還山詔州縣長吏  
常存問之

丁周顯德四年北漢天會  
己元年是歲凡五國三鎮

春正月唐遣兵救壽州周師

大擊破之

唐齊王景達遣邊鎬朱元等將兵數萬救壽州軍于

紫金山

在壽州東北

列十餘寨與城中烽火相應又築甬

道運糧綿亘數十里將及壽春李重進邀擊大破之

死者五千人奪其二寨劉仁贍請以邊鎬守城自帥

衆決戰景達不許

仁贍憤悵成疾其初子崇諫夜泛舟渡江為小校所報仁贍命

賁斬之監軍使周廷構哭于中門以救之不許廷構復便求救于夫人薛氏曰安崇諫非不愛也然軍法不可私名節不可虧若貸之則劉氏為不忠之門安與公何面目見將士乎趣命殺之然後成喪時小皆感

二月周更造祭器祭玉

命國子博士聶崇義

河南洛陽人

討論制度為之圖

三月周主復如壽州大破唐兵唐元帥景達奔還

先是唐水軍銳敏周人無以敵之周主以為恨反自

壽春于大梁城西汴水側造戰艦數百艘命唐降卒

教北人水戰數月後縱橫出沒殆勝唐兵至是車駕

發大梁命王環將之自閔河

即蔡河舊自祥符時氏至原州入潁宋史河渠

志蔡河兼閔水以通舟楫是也今堙

沿潁入淮唐人大驚三月周主渡

淮抵壽春城下躬擐甲胄軍于紫金山南命趙匡胤擊



唐寨破之斷其通道由是唐兵首尾不能相救朱元  
舉寨萬餘人降周其餘衆沿流東潰周主自將騎數  
百與諸將夾岸追之唐兵戰溺死及降者殆四萬人  
劉仁贍聞援兵敗扼吭歎息景達陳覺皆奔歸金陵  
唐壽州監軍周廷構以城降周唐節度使劉仁贍死之  
周以壽州為忠正軍徙治下蔡

周主耀兵于壽州城北唐清淮節度使劉仁贍病甚  
不知人監軍使周廷構等作仁贍表昇仁贍出城以

降于周仁贍卧不能起周主慰勞賜賚復令入城養疾徙壽州治下蔡又制曰劉仁贍盡忠所事抗節無虧前代名臣幾人堪比其以為天平節度使兼中書令是日卒追賜爵彭城郡王唐主聞之亦贈太師周主復以清淮軍為忠正軍以旌仁贍之節

周主之父光祿卿致仕柴守禮犯法周主不問

守禮及當時將相王溥王晏

徐州縣人

韓令坤之父遊

處恃勢恣橫洛人畏之謂之十阿父周主既為太祖

守禮犯法事  
周世宗既承郭  
氏之意則為人  
後者為之子自  
不得民願所生  
若如胡演所云  
尊守禮為太上  
皇帝而為郭氏  
後足繫人之紀

緒而陰旅之疎  
非背理之正然  
毛裏至性豈容  
忍忘隆廟雖不  
可輕加孝養器  
不當兼盡乎誠  
使迎寒京師安  
居宮禁陰辰皆  
起居之節何致  
奇禮以壯凱歌  
人必侍屈法以  
全恩乎處之列  
卿直是臣視其  
父稱之元舅并  
且諱言其子名  
不正而為不安  
其何以訓天下  
周世宗固五季  
令碑此則不能  
為賢者諱也成  
華後桃應設問  
曲為執論無異  
藏人說夢政防  
修且從而贊美

嗣人無敢言守禮子者但以元舅處之優其俸給未  
嘗至大梁嘗以小忿殺人有司不敢語周主知而不  
問

### 周主還大梁

周疏汴水入五丈河

在開封府祥符縣北九域志河即禹貢之荷澤從都北歷陳留及鄆

其廣五丈故名

自是齊魯舟楫皆達于大梁

五月周作刑統

之宜足語于養  
貶之正哉

詔以律令文古難知勅格煩雜不一命待御史張湜  
等訓釋刪定為刑統

唐敗周兵斷其浮梁

唐郭廷謂

字信臣  
彭城人

將水軍斷渦口浮梁又襲敗武行

德于定遠唐以廷謂為應援使

秋八月周平章事李穀罷以王朴為樞密使

穀卧疾二年九表辭位罷守本官令每月肩輿一詣

便殿議政事

九月周以竇儼

字望之儀之弟

為中書舍人

儼上疏請令有司討論禮儀考正鍾律作通禮正樂

又論政刑及勸農經武之要

以為為政之本莫大擇人擇人之重莫先宰相

自有唐之末輕用名器始為輔弼即兼三公僕射之官故其未得之也則以趨競為心既得之也則以容

默為事乞令宰相各舉所知且令本官權知政事期歲之間察其職業若果能堪稱其官已高則除平章

事未高則稍更遷官權知如故若有不稱則罷其政事責其舉者又班行之中有負無職者大半量其才

器授以外任考其治狀能者進之否者黜之又請令盜賊自相糾告以其所告贖產之半賞之或親戚為

之首則論其徒侶而赦其所首者如此則盜不能聚矣又新鄭鄉村團為義營各立將佐一戶為盜累其

一村一戶被盜罪其一將每有盜發則鳴鼓舉火丁壯雲集盜少民多無能脫者由是一境獨清請令他縣皆效之亦止盜之一術也又累朝屢詔聽民廣耕止輸舊稅及其既種則有司履畝而增之故民皆疑懼而田不加闢夫為政之先莫如敦信信苟著則田無不廣田廣則穀多穀多則藏之民猶藏之官也又言陛下南征江淮威靈所加前無彊敵今以衆擊寡以治伐亂勢無不克但行之貴速則彼民免俘馘之災此民息轉輸之困矣

周主善之

冬十月周設賢良經學吏理等科

十一月周主自將伐唐攻濠泗洲

遼北漢會兵攻周潞州不克而還

十二月唐泗州降周

唐泗州守將范再遇舉城降周周主自至城下禁軍  
中芻蕘者毋得犯田民皆感悅爭獻芻粟無一卒敢  
擅入城者

唐濠州降周周主進兵攻楚州遣兵取揚泰州

唐濠州團練使郭廷謂舉城降周

先是廷謂上表周主言臣家在江南

今若遽降恐為唐所種族請先遣使稟命然後出降  
許之至是廷謂使者自金陵還知唐不能救命參軍  
李延郃草降表延郃責以忠義廷謂以兵臨之延郃  
擲筆曰大丈夫終不負國為叛臣作降表廷謂斬之

而降 李延

時周主攻楚州廷謂謁見周主使將濠

州兵攻天長遣指揮使武守琦將兵數百趣揚州至

高郵唐人悉焚揚州官府民居驅其人南渡江後數

日周兵乃至周主聞泰州亦無備遣兵襲取之

已而周克

唐海州

南漢遣使入貢于周不至

南漢主聞唐屢敗憂形于色遣使入貢于周為湖南  
所閉乃治戰船修武備既而縱酒酣飲曰吾身得免



幸矣何暇慮後世哉

戊周顯德五年唐中興元年南漢主

午張大寶元年是歲凡五國三鎮

春正月周鑿鸛水

即老鸛河舊在淮

安府城西北今埋引戰艦入江

周主欲引戰艦自淮入江阻北神堰

今日北神鎮在淮安府城北

不得渡欲鑿楚州西北鸛水以通其道遣使行視還言

地形不便計功甚多乃自往視之授以規畫旬日而

成用功甚省巨艦數百艘皆達于江唐人大驚以為

神

周師拔唐靜海軍

南唐置宋改通  
州今州隸江南

周拔靜海軍始通吳越之路先是周主遣使如吳越  
語之曰卿去雖汎海還當陸歸已而果然

周主克唐楚州唐防禦使張彥卿

史不詳  
里系死之

周攻楚州踰四旬唐防禦使張彥卿固守不下周主  
自督諸將攻克之彥卿與都監鄭昭業猶帥衆巷戰  
矢刃皆盡彥卿舉繩床以鬪而死所部千餘人至死  
無一人降者

二月北漢攻周隰州不克

隰州刺史暴卒建雄節使使楊廷璋

定溫玉  
正定人

謂都監

李謙溥

字德明并  
州孟人

曰今大駕南征澤州

胡三省曰  
當作隰州

無

守將河東必生心若奏請待報則孤城危矣即牒謙溥權隰州事謙溥至則修守備未幾北漢兵果至攻城久不下廷璋度其疲困無備潛與謙溥募死士夜襲其營北漢兵驚潰解去

三月唐以太弟景遂為晉王燕王冀為太子

景遂前後十表辭位且言冀嫡長有軍功宜為嗣唐主乃立景遂為晉王以冀為太子參決庶政

周主臨江遣水軍擊唐兵破之唐主遣使獻江北地周主罷兵引還

周主至揚州如迎鑾鎮遣水軍擊破唐兵唐主聞周主在江上恐遂南渡又恥降號稱藩乃遣陳覺奉表請傳位于太子冀使聽命于中國時淮南惟廬舒蘄黃未下覺見周兵之盛白周主請遣人渡江取表獻

四州之地盡江為境以求息兵辭指甚哀周主曰朕  
本興師止取江北今爾主能舉國內附朕復何求賜  
唐主書稱皇帝恭問江南國主慰納之唐主奉表稱  
唐國主請獻江北四州地輸貢物數十萬於是江北  
悉平得州十四縣六十周主賜唐主書諭以今當罷  
兵不必傳位

### 周汴渠成

浚汴口導河流達于淮于是江淮舟楫始通

夏五月辛巳朔日食

唐主更名景去帝號奉周正朔

唐主避周諱更名景下令去帝號稱國主凡天子儀制皆有降損去年號用周正朔平章事馮延巳嚴續

樞密使陳覺皆罷

初延巳以取中原之策說唐主由是有寵嘗笑烈祖昇曰田舍翁安

能成大事與其黨談論更相倡和翰林學士常夢錫屢言延巳等浮誕不可信唐主不聽夢錫曰姦言似忠陛下不悟國必亡矣及是延巳之黨相與言有謂周為大朝者夢錫大笑曰諸君嘗欲致君堯舜何意

今日自為小朝邪眾嘿然

秋八月唐太子冀殺其叔父晉王景遂

唐太子冀在東宮多不法唐主怒嘗以毬仗擊之曰  
吾當復召景遂冀密遣洪州都押牙袁從範毒殺景  
遂唐主不之知

南漢主晟殂子鋹立

本名繼興  
即位更名

鋹年十六國事皆決于龔澄樞

宜者知  
承宣院

盧瓊仙

女侍  
中

等臺省備位而已

周遣闔門使曹彬

字國華正  
定靈壽人

如吳越

彬奉使吳越不受饋遺吳越明  
於辭讓之節厥  
後既兵入蜀不  
能整飭都衆不  
能秋毫末初名  
將無出其右由  
其律已甚嚴故  
令無不從耳

周遣曹彬以兵器賜吳越事畢亟返不受饋遺吳越  
人以輕舟追與之至於數四彬曰吾終不受是竊名  
也盡籍其數歸而獻之周主曰卿之奉使者乞句無  
厭使四方輕朝命卿能如是甚善然彼以遺卿卿自  
取之彬始拜受悉以散于親識家無留者

冬十月周遣使均定境內田稅

周主留心農事常刻木為農夫蠶婦置之殿庭至是

詔散騎常侍艾穎

艾穎以地為氏

等三十四人分行諸



州均定田租又詔諸州并鄉村率以百戶為團團置

耆長三人又詔諸邑課戶

唐制令上戶出課給官員月料課之課戶

及俸

戶

欲歲之稅使高戶主之收其息給俸謂之俸戶

並勒歸州縣其幕職州縣

官自今並支俸錢及米麥

十一月周命竇儼撰通禮正樂

二書名

唐放其太傅宋齊邱于九華山

齊邱多樹朋黨陳覺李徵古共相附和唐主惡之

司天

奉天文有變人主宜避禳災唐主乃曰吾欲擇去萬幾誰可以託國徵古請授齊邱覺亦曰陛下深居于

禁中國事皆委宋公先行後聞臣等時入侍談釋老  
不亦可乎唐主心愠即命中書舍人陳喬草詔喬惶  
恐請見極言其不可唐主笑曰爾亦知其非邪乃止  
遂出徵古洪州罷覺近職

陳喬字子喬廬陵玉筍

人會周遣鍾謨馮延魯還唐謨以李德明之死怨齊  
邱欲報之知陳覺前自周還矯周主命言江南連歲  
拒命皆宰相嚴續之謀當斬之唐主未之信謨因請  
復之于周唐主乃因謨復命上書言久拒王師皆臣  
愚迷非續之罪周主大驚曰審如此則續乃忠臣朕  
為天下主豈教人殺忠臣乎謨還以白唐主唐主乃

詔暴齊邱等罪放齊邱歸九華山覺宣州安置尋殺  
之徵古賜自盡齊邱未幾自經死

御批歷代通鑑輯覽卷七十



總校官候補中允臣王燕緒

校對官編修臣吳舒惟

膳錄監生臣李邦燮